

復問言汝此舍中當觀何相而知晝夜樹提
迦言有華開合以分晝夜有摩尼寶光明熾
盛不熾盛時以分晝夜有諸異鳥自然和鳴
不和鳴時以分晝夜大王當知若華開時乃
知是晝若華合時乃知是夜若摩尼寶光明
熾盛此知是晝若摩尼寶光明不熾盛此知
是夜異鳥和鳴而知是晝彼寂無聲而知是
夜大王我舍即以如是等相而分晝夜尔時
頻婆娑羅王謂樹提迦長者言希有希有佛
語諦誠而無虛妄佛說汝於人中受天勝福
今我所見其事如是
尔時頻婆娑羅王作是語已出長者舍還復
王宮護尸羅長者是故當知此人有如是等
天人勝福悉能棄捨出家修道證阿羅漢果
佛說此人受天勝福而為第一是此尊者次
第而來

八末

佛說給孤長者女得度因緣經卷中 肥二

佛說給孤長者女得度因緣經卷下 肥三

吳譯經三藏朝奉大試光祿卿僧正高僧紫馬施護奉詔譯

復次尊者聞二百億化種種色華果樹林細
密滿空而此尊者林中現身起是神通從空
而來三繞彼城次從空下入長者舍尔時長
者見是相已問善無毒女言今此所來有種
種色華果樹林中現身起如是相入此舍
者是汝師耶女即荅言此非我師是佛弟子
名聞二百億此人生已足不履地去地四指
足下有金色毛表其異相若足履地時地即
六種震動佛曾謂諸苾芻言汝等當知此間
二百億童子於九十一劫中皆同此名隨所
生處足不履地此人由起重法精進心故福
報無盡佛說此人精進第一是此尊者次第
而來
復次尊者畢陵伽婆蹉化大鵝車現是神通
從空而來三繞彼城次從空下入長者舍尔
時長者見是相已問善無毒女言今此所來

乘大鵝車現如是相入此舍者是汝師耶女
即答言此非我師是佛弟子名畢陵伽婆蹉
常修悲行佛說此人悲行第一是此尊者次
第而來

復次尊者烏陀夷化大馬車四寶莊嚴現是
神通從空而來三繞彼城次從空下入長者

舍尔時長者見是相已問善無毒女言今此
所來乘大馬車四寶莊嚴現如是相入此舍
者是汝師耶女即答言此非我師是佛弟子
名烏陀夷此人是釋種眷屬釋種之中有淨
飯王白飯王斛飯王甘露飯王并耶輸陀羅
娑闍迦没哩誡惹等六萬宮嬪妹女眷屬是

諸眷屬廣大熾盛富樂自在此人棄捨出家
修道而獲果證佛說此人於釋種中端嚴第
一是此尊者次第而來

復次尊者摩訶劫賓那化室尾迦四寶莊嚴
而此尊者乘彼室尾迦現是神通從空而來
三繞彼城次從空下入長者舍尔時長者見

是相已問善無毒女言今此所來乘室尾迦
四寶莊嚴現如是相入此舍者是汝師耶女
即答言此非我師是佛弟子名摩訶劫賓那
此人棄捨家族出家修道而獲果證常出軟
語衆所愛樂佛說此人軟語第一是此尊者
次第而來

肥三

二

復次尊者難陀化大園林華果茂盛復有鵝
鴈鸚鵡孔雀舍利羅俱枳羅命命等種種異
鳥遊集其內而此尊者在彼園中現如是相
從空而來三繞彼城次從空下入長者舍尔
時長者見是相已問善無毒女言今此所來
處大園林華果茂盛異鳥遊集現如是相入
此舍者是汝師耶女即答言此非我師是佛
弟子名曰難陀淨飯王之子是佛親弟比佛
身量而短四指三十二相莊嚴具足此人往
昔以清淨心曾於迦葉如來應供正等正覺
塔中施一傘蓋衆寶莊嚴最上殊妙以是因
緣感勝福報經一千五百生作轉輪王受彼

勝福而不出家乃至於今出家修道而獲果
證此人於威儀中密護諸根佛說此人密護
諸根第一是此尊者次第而來

復次尊者羅睺羅化作轉輪王福德威容勝
妙殊特眷屬侍衛七寶具足有八十四俱胝
勇健步兵烏布沙陀等八萬四千最上象兵

縛羅賀迦等八萬四千調善馬兵難你瞿沙
等八萬四千妙寶車兵復有無數百千侍衛
人衆周而圍繞動百千種微妙音樂寶嚴幢
幡前後導從大白傘蓋覆輪王頂現是神通
從空而來三繞彼城未入其舍住虛空中介
時長者見是相已問善無毒女言今此所來
肥三

轉輪聖王福德威容勝妙殊特象馬車步四
兵具足現此勝相住空中者是汝師耶女即
答言此非我師是佛弟子名羅睺羅此人是
佛之子出家學戒而獲果證佛說此人學戒
第一是此尊者現輪王身次第而來
介時羅睺羅即以所現轉輪王身住彼空中

說伽陀曰

今我所現輪王身 以神通力故如是
如龍有力我亦然 七寶四兵皆具足
此所現身而非實 神通方便故隨宜
長者應當如實知 我是佛子羅睺羅
已獲果證神通具 人天供養悉歸依

我依佛勅故今來 牟尼大師後當至

說是伽陀已即從空下入長者舍如是等諸
有神通大苾芻衆咸依佛勅各現神通次第
來入長者舍中俟佛當至

介時世尊知時已至即入三摩地普徧觀察
於是三摩地出已舉身出現青黃赤白種種

妙色清淨光明如是色光廣大照耀徧舍衛
國乃至福增城中所有一切人衆蒙光照者
以佛神力皆見佛身內外映徹一切無礙佛
放光時大地震動於是世尊著僧伽梨衣與
彼一切所應隨佛崑努鉢陀那等苾芻大衆
前後圍繞出舍衛國往詣福增城時娑婆界

王大梵天王知是事已即與色界諸天子衆來佛右邊侍衛而行帝釋天主知是事已即與欲界諸天子衆來佛左邊侍衛而行復有善愛音等五百乾闥婆王奏百千種微妙音樂引導佛前又有無數百千天龍鬼神人非人等隨從佛後又有無數天女在虛空中各

持優鉢羅華鉢訥摩華俱母那華奔拏利迦華天曼陀羅華摩訶曼陀羅華等及雨旃檀香末香你誡嚕香多誡嚕香多摩羅香等種種妙香供養於佛又復奏彼天妙音樂有如是等天人大衆圍繞而行

爾時路次大曠野中有七千仙人先止於彼

肥三

四

見佛卅尊三十二相八十種好皆悉具足圓光照耀如千日輪廣大巍巍如寶山現吉祥勝相無有等比復有微妙金色光明周徧熾盛如是見已俱近佛前頭面禮足合掌恭敬退住一面此諸仙人皆以宿種善根力故而能最先見佛卅尊爾時卅尊普徧觀察如是

七千仙人善根成熟即於曠野中乃爲如應略說四諦法門時諸仙人聞是法已智慧堅固心開意解各各歡喜即時踊身虛空高二十山峯俱證須陀洹果從空下已圍繞卅尊即同隨從爾時卅尊度是七千仙人已漸次前行將至福增城門即作是念此福增城有

十八門我今若從西門而入餘門所有一切人衆不能見我我今宜應於彼諸門各現佛身隨諸門入令一切人皆見佛身我即實從西門而入

爾時卅尊作是念已即現其身隨諸門入一皆有天人大衆周而圍繞當佛入城門時

以神通力自然除去荆棘砂礫一切不淨悉令清淨內外香潔地平如掌無高下相佛所行處彼彼諸門有低小者自然高大有窄狹處自然寬廣城中所有一切象馬等類其性慵悞不調伏者自然調伏又復城中一切人民各各歡喜瞻仰卅尊又復以佛神通力故

肥二

五

其中所有盲者能視聾者能聞癡者能言乃至諸根不完具者悉得完具迷惑醉亂顛狂心者皆得醒悟正定不亂為毒所中者悉離諸毒互起恚恨者慈心相向諸懷妊者胎藏安隱生福德子諸貧匱者自然財寶悉得豐足佛入城時有如是等希有之事一切人民皆獲利益佛乃實從西門而入

尔時世尊既入城已攝諸化身唯一實身至謨尸羅長者舍時善無毒女即謂長者言此所來者是我大師號釋迦牟尼如來應供正等正覺是時長者并諸眷屬見佛如是神通威德種種相好心生敬信即各頭面禮佛雙足時善無毒女見佛世尊踊躍歡喜頭面禮足合掌向佛說伽陀曰

我佛常說最上語 而能調伏他語言
 聞者能生清淨心 我不見佛深苦惱
 佛悲愍故來此中 我等今日得大利
 我以清淨至誠心 頂禮如來吉祥足

時善無毒女說伽陀已即取牛頭栴檀香水奉佛洗足佛洗足已處于最上莊嚴寶座諸苾芻眾亦各洗足次第而坐尔時善無毒女即持清淨上味飲食自手奉上供佛世尊及苾芻眾長者并眷屬亦各持食奉上於佛及苾芻眾如是次第行食已徧佛及苾芻隨應而食是時福增城中一切婆羅門長者居士外道尼乾陀等無數百千人眾悉詣長者舍欲觀世尊彼等意謂長者住舍而甚迫迫不能容受尔許人眾咸起礙想

尔時世尊知其意已即變長者舍作水精舍内外瑩徹廣博嚴淨令諸人眾各得觀佛無所妨礙是諸人眾各見佛已心大歡喜異口同音說伽陀曰

今此長者舍 而水精所成 摩尼及真金
 諸寶皆映現 清淨復廣博 如天帝釋宮
 各得見世尊 斯為甚希有 我等一切眾
 瞻仰住佛前 咸生清淨心 恭敬合掌禮

肥三

六

牟尼處衆會 如星中現月 功德所莊嚴
是故我歸命

尔時世尊飯食已訖諸苾芻衆亦各食訖於
是世尊不起于座與無數百千天龍夜叉乾
闥婆阿脩羅迦樓羅緊那羅摩睺羅伽人非
人等并餘婆羅門長者居士外道尼乾陀乃

至善無毒女及謨尸羅長者妻子眷屬如是
等衆周而圍繞聽佛說法

尔時世尊昔爲大衆如應演說苦集滅道四
諦法門佛說是法門時諸外道中有善根成
熟者聞法歡喜生淨信心歸依世尊隨其所
應而獲利益又復衆中有得任煖位者有得
任頂位者有得任忍位者有得須陀洹果者
有得斯陀含果者有得阿那含果者有得阿
羅漢果者謨尸羅長者聞佛說法發清淨心
如其所應亦得利益善無毒女以宿善根力
及聞說法得須陀洹果
尔時諸苾芻俱白佛言世尊善哉希有此善

無毒女真是善知識因此女故多人獲益而
能如是施作佛事佛言諸苾芻汝等當知此
善無毒女非唯今日於我法中爲善知識能
作佛事此人已於過去佛法中爲善知識開
導他人施作佛事汝等善聽我今略說時諸
苾芻受教而聽

肥三

七

佛言諸苾芻過去世中入壽二萬歲時有佛
出世名曰迦葉如來應供正等正覺明行足
善逝世間解無上士調御丈夫天人師佛世
尊彼佛一時在波羅柰國仙人墮處鹿野園
中與苾芻衆俱彼國有王名爲哀愍其王具
大福德正法治世王有一女生已自然頂有
金鬘乃爲彼女立名金鬘主所愛念即勅后
妃宮嬪眷屬養育侍衛後至成長彼女以其
宿善根力於佛法中深生愛樂聞佛在彼鹿
野園中即與五百宮嬪眷屬圍繞往詣鹿野
園中瞻禮世尊到已至誠頭面禮足佛即如
應爲說法要彼聞法已心生淨信而白佛言

我自今日乃至盡壽常以飲食衣服卧具醫藥奉上一世尊作是白已即如其言常以四事供給世尊時彼哀愍王忽於一夜得十種夢一者夢見有一大象從牕牖出身雖得出尾為牕礙二者夢見有一渴人井隨其後是人寧忍於渴終不取飲三者夢見有人以其真珠質易於麩四者夢見有人以其栴檀香木質易常木五者夢見有一大園華果茂盛忽為猛風吹落散壞六者夢見有諸小象驅大香象奔走而出七者夢見有一獼猴身有糞穢四向馳走汚諸獼猴眾皆迴避八者夢見有一獼猴於一處坐有眾獼猴為作灌頂九者夢見一張白氎有十八人各各執奪少分而氎不破十者夢見有多人眾聚集一處互相鬪諍論競是非此等是為所得十夢王睡覺已作是思惟我得此夢是不吉祥豈非於我壞壽命耶作是念已至明旦時即集群臣共議斯夢是時諸臣皆悉不解復有諸婆羅

門長者居士亦在佛會尔時彼佛即為哀愍王及諸會眾如應說法示教利喜已佛即默然彼哀愍王從座而起住立佛前具以十夢次第而說說已復言我以此緣恐於壽命有所損失願佛悲愍為我開決佛言大王勿怖勿怖如所得夢皆非汝事亦非今時善惡之相於汝壽命亦無損失大王當知是未來世中人壽百歲時有佛出世名釋迦牟尼十號具足彼佛住世演說諸法教化眾主如其所應作佛事已而入涅槃入涅槃後於遺法中苾芻弟子諸所作事王今此夢是彼前相我今為王次第而說如王所夢有一大象從牕牖出身雖得出尾為牕礙者是被佛入涅槃後於遺法中有婆羅門長者居士若男若女乘捨眷屬出家學道雖出家已心猶貪著名利俗事不能解脫如王所夢有一渴人井隨其後是人寧忍於渴終不取飲者是彼遺法中有諸苾芻為婆羅門長者居士說佛經典

三

八

彼婆羅門等心生厭捨不樂聽受如王所夢
有人以其真珠寶易於麩者是彼遺法中有
諸苾芻弟子不能依佛正典修習根力覺道
禪定出世間法而復愛樂修習世間經書呪
術歌詠言頌如王所夢有人以其栴檀香末
寶易常木者是彼遺法中有諸苾芻以佛經

典寶易世間經書外道典籍如王所夢有諸
小象驅大香象奔走而出者是彼遺法中有
諸破戒無德苾芻見彼持戒有德苾芻衆共
嫌惡巧設方便擯令遠去如王所夢有一大
園華果茂盛忽為猛風吹落散壞者是彼遺
法中有諸清淨持戒具德多聞苾芻安止僧

伽藍摩為彼所有不修身不修心不修慧羸
惡苾芻衆共毀壞彼僧伽藍摩如是壞已復
令清淨苾芻最勝事業亦悉破壞如王所夢
有一獼猴身有糞穢四向馳走汚諸獼猴衆
皆迴避者是彼遺法中有諸破戒苾芻自破
淨戒不具慙愧而復返於清淨信心王臣之

前毀謗持戒有德苾芻如王所夢有一獼猴
於十處坐有衆獼猴為作灌頂者是彼遺法
中不修勝行無德苾芻衆共成立為僧中上
首統攝有德修勝行者如王所夢一張白氎
有十八人各各執奪少分而毘不破者是彼
遺法中有諸弟子異見興執以佛教法分十

八部雖復如是而佛教法亦不破壞如王所
夢有多人衆聚集一處互相鬪諍論競是非
者是彼遺法中有諸苾芻聚集議論世間名
聞利養等事由此因緣互相鬪諍不能寂靜
漸使世尊清淨法滅大王如是十夢皆非汝
事是彼之相汝不應怖壽命無失宜自安意

尔時哀愍王聞佛為說所夢事已心大歡喜
禮彼佛足還復王宮諸苾芻彼迦葉如來為
哀愍王說所夢已復為衆會說四諦法時彼
會中有八萬四千人皆悉見諦而獲利益諸
苾芻於汝意云何彼金髮女於彼佛法中為
哀愍王作善知識建立佛事者豈異人乎即

今善無毒女是諸苾芻是故當知此善無毒女已於過去佛法中為善知識今於我法中亦與多人為善知識使令多人皆獲利益亦時諸苾芻復白佛言世尊彼迦葉佛時金鬘女者以何因緣生已自然頂有金鬘又復何緣得生王家受大富樂佛言諸苾芻彼金鬘

女過去世時於波羅奈國為一貧女周行求乞諸莊嚴具及以塗香於一緣覺塔中莊嚴塗飾起清淨心發是願言願我以此善根世世所生頂有金鬘生大富家富貴自在施作佛事諸苾芻彼時貧女者即彼迦葉佛法中金鬘女是肥三以其善根及大願力於五百生中十

在在處處生已自然頂有金鬘諸苾芻是故今時此善無毒女以其過去善根及大願力今得生此給孤獨長者大富之家而善開導施作佛事是故當知決定善業決定善報於一切時一切處無能散失彼彼業因彼彼果報如外地界被堅實性而非水火風界流潤

等性如是蘊處界等彼彼差別所有一切眾生作善惡業亦復如是彼彼業因差別有異彼彼果報所得非一假使經於百劫之中而因果法決定無失佛言諸苾芻是故善男子善女人應當於佛法僧深生淨信尊重恭敬於此經典諦信受持宣通流布如理修行汝等諸苾芻亦如是修學

爾時世尊為諸苾芻說善無毒女往昔因緣已如先已為善無毒女及謨尸羅長者眷屬乃至福增城中婆羅門長者居士等并餘一切天人大眾隨其所應宣說正法各獲利益于時世尊及苾芻眾即於會中隱身不現至舍衛國祇樹給孤獨園還復現身佛說此經已善無毒女等長者諸眷屬諸苾芻等一切大眾聞佛所說皆大歡喜信受奉行十一末

佛說給孤長者女得度因緣經卷下

肥三

平江路磧砂寺大藏經坊伏承

佛朗圖博普濟佛心大禪師本壽壽足洲大報國通寺住持正五函：伏觀本寺刊雕

一大藏經板勝事由念
法寶勝緣千生難遇夙何善種今幸遠逢由是發心施中統錄蒙君伯不助錄刊雕德香

四風下育者法界有情同霑利益
延祐二年歲在乙卯八月

日題

磧砂大藏經

佛說給孤長者女得度因緣經

卍

第一〇九册